

Il mas-chalch da Sent



Publicaziuns officialas. Cumpara seguond bsögn.

2009/2011

no. 2

7554 Sent, 23 schner 2009 / mw

Publicaziun da fabrica

Reguarda:	Fabrica d'üna abitaziun sper la chasa B, divers müdamaints chasa B Costa dad Archas, parc. no. 602
Patrun da fabrica:	Taverna Armon, Tanter Vias 572, 7554 Sent
Profilà:	20-01-2009
Publicaziun:	23-01-2009
Termin da protesta:	12-02-2009
Ediziun:	Tuot ils plans sun exposts in büro cumünal.
Recuors:	Protestas da dret public, cunter quistas publicaziuns, sun d'inoltrar infra 20 dis in scrit, a partir da la data da publicaziun, al Cussagl cumünal.

La cumischiun da fabrica

Cumün da Sent

Nus tscherchain per l'on da scoula 2009 / 2010

üna magistra / ün magister per scoula da cusir ed economia

ca. 14 lecziuns scoula da cusir / 4 lecziuns cuschinar
per la scoula primara e s-chalin ot

Nus pretendain:

- qualitats pedagogicas e cumpetenzas regard l'instrucziun
- persunalitats ingaschadas e motivadas
- cugnuoschentschas da rumantsch o chi han la voluntà d'imprender rumantsch

Nus spordschain:

- ün interessant lavur in ün gremi pitschen
- ün lö da lavur attractiv in ün cumün cun diversas societats culturalas e da sport
- paja tenor uorden chantunal
- evtl. pensums parciais

Annunzchas culs solits allegats sun d'inoltrar fin als **16 favrer 2009** a Marianne Werro, pres. dal cussagl da scoula, 7554 Sent, tel. 081 864 82 69, cmwerro@bluewin.ch

Alarm da prouva dals 4 favrer 2009 a las 13.30 h ed a las 14.00 h.

“Allgemeiner Alarm und Wasseralarm”

(Comunicaziun da pressa)

Sco minch'on ha lö in marcurdi, als 4 favrer 2009, a las 13.30 e a las 14.00 ün alarm da prouva in tuot la Svizra.

Pro l'alarm da prouva vegna examinà scha las sirenas funcziunan. Cun quellas vain la populaziun alarmada in ün cas dad ün privel innatschand. Il signal „**alarm general**“ vain dat d'ün tun üerlond regular chi crescha e chala e chi düra ca. üna minuta.

A las 14.00 vain fat danouvmaing ün alarm da prova ingio chi vegnan examinadas las funcziuns da las sirenas da l'aua. Il signal “**Wasseralarm**” vain dat d'ün tun bass regularmaing chi düra ca. ses minutas cun interrupziuns..

L'uffizi da militar e da protecziun civila giavüscha d'incleger las inconvenienzas colliadas culla controlla da las sirenas.

Uffizi per la protecziun civila

Gallaria Sperone

La gallaria Sperone invida a tuot la populaziun a verer l'exposiziun d'art aint illa chasa dal guvernatur. No vain avert mincha mardi-sonda da las 15.00-18.30.

Bainvgnü!

(ils 23./24 schner '09 vaina serrà)

Implü tschercha signur Sperone ün local grond / magazin / tablà per depositar sia collecziun d'art. Cun infuormaziuns ed ideas per plaschair telefonar in gallaria: 081 860 39 78 obain: 078 825 35 85
Grazcha fich!

Fabrizia Famos

Giantar cumünaivel

Nos giantar cumünaivel ha lö als 17 favrer 2009 a las 12.00 h al Hotel Rezia. Annunzchas piglia jent incunter, scha pussibel fin 2 dis avant, duonna Erica Clalüna, tel. 081 864 07 59 (laschar sclingir lösch!). Minchün es bainvis.

Erica Clalüna

Acciun da birnel

In collavuraziun cul uffizi da provedimaint vain organisà eir quist on ün'acciun da birnel. L'acciun po gnir fatta be scha las postaziuns da birnel surpaskan la limita prescritta **dad 80 kg**. Scha quai nu vess d'esser il cas, ston tuot las postaziuns inoltradas gnir annulladas.

Postaziuns cul fögl suotvart pon gnir büttadas aint illa chartera dal Cumün pro l'entrada dal büro cumünal fin als **venderdi, 6 favrer 2009, a las 17.00**.

Uffizi da provedimaint

Tagliar

Fögl da postaziun:

Il suottascrit posta quattras:

..... chartun(s) = 15 dispensers	à 250 gr	birnel =	fr. 60.00	tuot ils predschs
..... chartun(s) = 12 vaders	à 1 kg	birnel =	fr. 120.00	incl. IPV + transport
..... sadella(s)	à 5 kg	birnel =	fr. 44.00	
..... sadella(s)	à 12,5 kg	birnel =	fr. 100.00	

Telefon:.....

Nom e prenom:.....

Loipa Scuol – Martina

Bleras persunas fan adöver da la loipa Scuol – Martina per ir a spass cul chan. A quels chi fan adöver da quai giavüschaina da tour adüna il chan in tschinta e da tour cun sai sachins ed eir allontanar ils excremains dal chan.

Cumischiun loipa Scuol - Martina

Società da gymnastas Sent

Radunanza generala 2009

La radunanza ha lö in lündeschdi, als 26 schner 2009, a las 20.00 h aint illa Teja.

Tractandas:

- | | |
|--------------------------|------------------------------|
| 1 salüd | 6 fixar la contribuziun 2010 |
| 2 protocol | 7 program da l'on |
| 3 rapports annuals | 8 mutaziuns |
| 4 rendaquint 2008 | 9 varia |
| 5 rapport da la revisura | |

La contribuziun per l'on 2009 importa frs. 50.00 e vain inchaschada a la radunanza generala. Nouvas commembras sun fich bainvissas.

Il comitè



Sonda,	7 favrer, 20:15	Teater: Strohmänn + Kauz: "ungerdüre", autur Pedro Lenz ungerdüre“ nimmt die Zuschauer mit auf eine Reise ins Innere - hinein in den Berg und tief in die Seelen der beiden Tunnelbauer Role und Iseli.
Marcurdi,	11 favrer, 20:15	Kino: "Fellinis Intervista"
Venderdi,	13 favrer, 20:15	Marcella Maier prelegia our da seis cudesch "Das grüne Seidentuch"
Sonda,	14 favrer, 17:00-19:00	Vernissascha: Werner Schmidt, 8 cours per Sent (purtrets) (exposiziun: 14 favrer - 7 marz)
Mardi,	17 favrer, 20:15	Mevina Puorger preschainta il cudesch "Uondas" da Domenic Andry
Giövgia,	19 favrer, 20:15	Concert: Peer Seemann, chantadur e guitarrist, cun Ali Savioni, percussiun, e Reto Claudio Gaffuri, bass.
Mardi,	24 favrer, 20:15	Jacques Guidon: "nus ans divertin cun la lingua"
Venderdi,	27 favrer, 20:15	Leta Semadeni prelegia our da sias "Poesias da chadafö"
Sonda,	28 favrer, 20:15	Concert: Roland Vögtli (Anda Rojo) chantadur e guitarrist

Nicola Deichmann

Fögl d'infuormaziun als cumüns d'Engiadina Bassa regard immundizchas.

Containers:

Ils containers per las immundizchas vegnan in general surchargiats. Ils vierchels ston esser serrats.

Ils containers chi nu sun serrats cul vierchel nu vegnan plü svödats.

Chartun:

Il chartun vegl sto gnir, avant co depositar, lià.

Palperi:

Il palperi vegl sto gnir, avant co depositar, lià.

S-chalizzas da palperi:

Las s-chalizzas da palperi ston gnir allontanadas cullas immundizchas da chasa e na cul palperi vegl.

Grazcha per la buna collavuraziun

**Per la cumischiun d'immundizchas
La presidenta**

Informationsblatt betreffend Abfall an die Gemeinden des Unterengadins.

Container:

Die Kehrrichtcontainer werden generell überladen. Die Containerdeckel müssen geschlossen sein.

Container, deren Deckeln nicht geschlossen sind werden nicht mehr entleert.

Karton:

Altkarton darf nur gebündelt deponiert werden.

Papier:

Altpapier darf nur gebündelt deponiert werden.

Papierschnitzel:

Papierschnitzel müssen mit dem Haushaltkehricht entsorgt werden und nicht mit dem Altpapier.

Besten Dank für die Zusammenarbeit.

**Für die Kehrrichtkommission
die Präsidentin**